

12. oktober 2007

UKA 07/15
(UKA 07/102)

**Aalisarnermik piniarnermillu inuussutissarsiutillit inuussutissarsiornerannik
siuarsaaneq pillugu Inatsisartut peqqussutaat nr. 10, 20. november 2006-
imeersup allangortinneqarneranik Inatsisartut peqqussutissaattut siunnersuut**
(*Siumup Inatsisartunut ilaasortaaitai*)

pillugu

**Inatsisartut Aalisarnermut, Piniarnermut Nunalerinermullu
Ataatsimiititaliaata**

ISUMALIUTISSIISSUTAA

**Peqqussutissatut siunnersuutip aappassaaneernejarnerani
saqqummiunneqartoq**

Inatsisartut Aalisarnermut, Piniarnermut Nunalerinermullu Ataatsimiititaliaat
suliarinninnermini ukuningga inuttaqarpoq:

Inatsisartunut ilaasortaq Lars - Emil Johansen, Siumut siulittaasoq
Inatsisartunut ilaasortaq Godmand Rasmussen, Atassut (Augusta Sallingimut
sinniisussaq)
Inatsisartunut ilaasortaq Otto Jeremiassen, Siumut (Jens Lars Fleischerimut
sinniisussaq)
Inatsisartunut ilaasortaq Ane Hansen, Inuit Ataqtigiit
Inatsisartunut ilaasortaq Jens B. Frederiksen, Demokraatit

UPA 07-imi siullermeerinerup kingorna Inatsisartut Aalisarnermut, Piniarnermut
Nunalerinermullu Ataatsimiititaliaata peqqussutissatut siunnersuut nassuiaatitaalu
misissorpai.

Siunnersuutip imarisai

Inatsisitigut inissisimanerup allangortinneqarnissaa, taamaalillunilu
inuussutissarsiutigalugu umiatsiaaqqamik pisinissamut taarsigassarsisussat
ukiuanut qummut killigigitap ukiumut soraarninngorfimmut nalinginnaasumut
naapertuuttunngortinneqarnissaa, Inatsisartut peqqussutissaattut siunnersuutikkut
matunani pineqartukkut siunnersuuteqartut kissaatigaat.

Siunnersuutip UPA 2007-imi siullermeerneqarnerani partiit isummersuutaat

Inuussutissarsiutigalugu umiatsiaaqqamik pisinissamut taarsigassarsisussat ukiuisa ukiumut soraarninngorfimmut nalinginnaasumut naapertuuttunngortinneqarnissaanik Siumup Inatsisartunut ilaasortaataa Naalakkersuisut tunngaviumik tapersersuinerat Siumup nuannaarutigaa.

Pensionisiaqalernermut nalinginnaasumik ukiorititat 63-iniit 65-inut allannngortinneqarnissaanik Inatsisartut aalajangiinerat Inuit Ataqatigiit tikkuarpaat. Tamatuma aalisarnermik piniarnermillu inuussutissarsiutillit inuussutissarsiorterannik siuarsaaneq pillugu peqqussummi ersersinneqarnissaa pissusissamisoortutut isigineqarpoq. Aammattaaq aappassaaneerinissaq sioqqullugu siunnersuummik sukumiisumik naliliinissaq oqaluuserinninnissarlu Inuit Ataqatigiinnit pisariaqartutut isigineqarpoq, tamatumunnga atatillugu aningaasaliissutit inuussutissarsiutinik siuarsaanermut immikkoortinneqartut peqqussummi siunertarisamut naapertuunnersut misissorneqartariaqarlutik.

Siunnersuut matumani pineqartoq Inatsisartunit akuersissutigineqassappat inuussutissarsiutigalugu aalisartut piniartullu hundredelikkaat aningaasanut inatsimmi aningaasaliissutigineqartut iluini umiatsiaaqqamik qulinik qinnuteqarnissamut periarfissaqareersut qinnuteqarsinnaasunik hundredelikkaanik arlalinnik amerlissasut Atassutip oqaatigaa. Umiatsiaaqqanut atortussanulluunniit nutaanut taarsigassarsisitsisoqassatillugu aalisartut pinartullu inuusuttut salliutinneqartariaqartut Atassut isumaqarpoq. Taamaattumik tusarniaanissaq siunertaralugu siunnersuutip kinguartinneqarnissaanut pissutsit arlallit tunngaviliisut Atassut isumaqarpoq.

Inuussutissarsiutinik siuarsaanermi tapiissuteqartarnermut aningaasaliissutigineqartut ilaasa utertinneqarnissaanik inuiaqatigiit naatsorsuutiginninnerannik tunngaveqarluni tapiissuteqartoqartassasoq Demokraatit isumaqarput. Pensionisiaqalertussaq qaammatialunnguit pensionisiaqalernissani sioqqullugu Landskarsimit tapiiffigineqartumik inuussutissarsiutigalugu umiatsiaaqqamut ESU-mit taarsigassarsissappat, inuiaqatigiit tapiissutinit pissarsiassaat annikitsuaraannaassasoq naatsorsuutigineqarsinnaavoq. Tapiissuteqarnissamut killigititaq maannatut pensionisiaqalernissaq sioqqullugu ukiunut pingasunut aalajangerneqartariaqartoq Demokraatit naliliipput, qaffasissusissap tamatuma siunissami qanoq aalajangersaavigineqarnissaa apeqqutaatinnagu. Siunnersuut itigartitsissutigineqassasoq Demokraatit inassutigaa.

Peqqussitissatut siunnersuutip tusarniaassutiginera

Siunnersuut APNP-mut, Kalaallit Nunaanni Sulisitsisut Peqatigiiffiannut, KNAPK-mut NUSUKA-mullu tusarniaassutigineqarpoq. NUSUKA eqqaassanngikkaanni tusarniaaffigisat peqqussutissatut siunnersuummut oqaaseqaatissaqanngillat. Peqqussutissatut siunnersuut amerlanerusut qinnuteqarsinnaanerannik ammaassamat peqqutissatut siunnersuutip akuersissutigineqarnera amerlanerusunik qinnuteqartoqarneranik kinguneqarsinnaasoq NUSUKA-p oqaatigaa. Namminersornerullutik Oqartussat allaffissornikkut nukissanik killilinnik peqarnerat

eqqarsaatigalugu qinnuteqaatit taama amerleriarnarat illersorneqarsinnaasumik isumagisinnaassaneraat peqatigiiffiup isumakuluutigalugu oqaatigaa.

Ataatsimiititaliap siunnersuummik suliarinninnera

Pensionisiaqalernissap ukiorititat tikivillugit inuussutissarsiutigalugu umiatsiaaqqanik pissarsinissamut taarsigassarsiarititat pensionisiaqalernissamut ukiuisa atuutilernissaata Udvalget noterer sig taarsigassarsisitsisinnanissaq tunngaviatigut tapersersinnaallugu taamani Naalakkersuisuusut siullermeerinermi oqaatigimmassuk ataatsimiititaliap aallarniutigalugu maluginiarpaq. Naalakkersuisulli peqqussutissatut siunnersuutip susassaqtunut tusarniaassutigineqarnissaa pisariaqarsoraat. Tusarniaaneq taanna maanna ingerlanneqareerpoq. Naalakkersuisut piumassuseqarlutik iluatsittumillu tusarniaanerat iluarisimaarlugu ataatsimiititaliap oqaatigissavaa. Tusarniaanermi akissutit isumaliutissiisummut matumunnga ilanngussatut ilanngunneqarput.

NUSUKA-mit isummersuutit oqaaseqarfiginissaat ataatsimiititaliap tunngavissaqarsoraq. Siunnersuut amerlanerit qinnuteqarsinnaanerannik ammaasoq suliaasat amerleriarnarat pissutigalugu sulianik suliarinnittarnerup sivisunerulerneranik nassataqarsinnaasoq NUSUKA oqarmat ataatsimiititaliap isumaqatigaa. Tassa aallaavittut isigalugu. Peqqussutissatulli siunnersuut Inatsisartunit akuersissutigineqassaguni aqutsinermi maleruagassatigut tunngaviit nalinginnaasut avaqqunneqarsinnaanngitsullu naapertorlugit aqutsivigineqassaaq. Tamanna najoqqutassat asigiiaartut innuttaasut tamarmik assigiimmik pineqarnissaannik qulakkeerisut malillugit innuttaasut ataasiakkaat qinnuteqaataasa suliarineqarnissaannik qulakkeerissaaq. Tamanna tunngavigalugu NUKUKA-tut isumakuluuteqarnissamut ataatsimiititaliap tunngavissaqarsorinngilaq. Aammattaaq Naalakkersuisut allaffissornikkut nammakkerneqarnerat naatsorsuutigisamit annertunerujussuussappat allaffissornikkut nukissat pisariaqartut pissarsiarineqarnissaat piffissaalluartillugu Naalakkersuisunit qulakkeerneqassasoq ataatsimiititaliap naatsorsutigaa.

Qinnuteqartut amerleriaateqarnerisa kingunerisaanik allaffissornikkut nukissanik annertunerusunik atuinissap matussutissaanik siunnersuummut aningaasalersuutissanik siunnersuuteqartut innersuussuteqarsimanngitsoq ataatsimiititaliap oqaatigissavaa.

Piniartunit pensionisiaqaleqqajaasunit qinnuteqaatit amerlingaatsiarnerannik siunnersuutip akuersissutigineqarnera kinguneqassappat, tamanna taarsigassarsitinneqarnissamik piumasaqarnerup 2008-milu aningaasanut inatsisissatut siunnersuummi immikkoortumut aningaasaliissutigineqartut akornanni naapertuutinnitsoqalerneranik kinguneqassaaq. Aningaasaliissutissatut siunnersuutigineqartut iluini inuussutissarsiutigalugu 10-11-it missaanniittunut taarsigassarsisitsisoqarsinnaavoq. Inuussutissarsiutigaluguli piniartup 65-it missaannik ukiullip peqqillunilu aalassarissup inuussutissarsiutigalugu umiatsiaaqqamut taarsigassarsinissamik qinnuteqarnissamut siunnersuutikkut aammaanneqarnera ataatsimiititaliamit ilalernartinneqarpoq. Tamatuma

peqatigisaanik suliassaqarfimmi ingerlataq aningaasaliissutitigut aqunneqarnera ingerlaannassasoq ataatsimiititaliap oqaatigissavaa.

Aningaasat suliassaqarfimmut immikkoortinneqartut ataatsimut isigalugu pingaarnersiorneqarneranni ukiorisat apeqqutaatinnegassasut Naalakkersuisut ersersippaat, taamaalillunilu pingaartumik aalisartunut piniartunullu inuusunnerusunut inuussutissarsiornermikkut sivisuumik eqeersimaartumillu ingerlalluurtussatut naatsorsuutigineqarsinnaasunut inuussutissarsiutigalugu umiatsiaaqqanik aningaasalersuineranut ikiuisoqartassalluni. Tamatumani aaqqissuussinerup ungasinnerusoq eqqarsaatigalugu suliassaqartitsinikkut sunniutaata annertunerulersinneqarnissaanik kissaateqarneq aallaavigineqarluni. Tassunga atatillugu peqqussummi atuuttumi § 1, imm.1-imi pisussaaffit oqaatigineqartut Naalakkersuisut innersuussutigaat.

Akuersissutiginninnerup kingorna qinnuteqarsinnaasut inunnik 471-it angullugit amerlinissaat naatsorsuutigineqartoq Naalakkersuisut akissuteqaamminni oqaatigaat. Tamatuma saniatigut qinnuteqarsinnaasut Qeqertarsuup Tunuaneersut qanoq amerlatigisinnaanerat naatsorsorneqarsimanngitsoq ilanngunneqassaaq. Aalisarnermik piniarnermillu inuussutissarsiutillit inuussutissarsiornerannik siuarsaaneq pillugu peqqussummi 2006-imi allannguutitut atatillugu kingulliullugit taaneqartunut taarsigassarsisitsisinnaasoqalerpoq.

Ataatsimiititaliap inassuteqaatai

Ataatsimiititaliami amerlanerussuteqartut, Siumumeersut, Atassummeersut Inuit Ataqtigiiinneersullu siunnersuut **akuersissutigineqassasoq** inassutigaat.

Ataatsimiititaliami ikinnerussuteqartut, Demokraatineersut siunnersuut **itigartitsissutigineqassasoq** inassutigaat.

Taama oqaaseqarluni siulianilu paasinnineq tunngavigalugu Inatsisartut Aalisarnermut, Piniarnermut Nunalerinermullu Ataatsimiititaliaata aappasaaniigassanngortippaa.

Lars Emil Johansen
Siulittaasoq

Godmand Rasmussen

Otto Jeremiassen

Ane Hansen

Jens B. Frederiksen